



DIE AFRIKAANSE PROTESTANTSE AKADEMIE NPC

Registration number: 2002/031756/08

Registered with the Department of Higher Education and Training as a private higher education institution under the Higher Education Act, 1997
Registration Certificate No. 1999/HE08/001



BACCALAUREUS ARTIUM

Agtergrond:

Die BA graad is 'n 360-krediet program op vlak 7 van die Nasionale Kwalifikasieraamwerk (NKR). Die doel van die BA-graad is om aan studente toegang te verleen tot verskeie beroepe in die geesteswetenskappe. Dit is tans vir die meeste studente by ons instelling die eerste stap tot beroepe in die teologie, onderwys, en sielkunde. Dit verleen ook toegang tot ander beroepsmoontlikhede in velde soos menslike hulpbronne, taal- en veelsydigheidsberoepe. Hierdie graad dien egter ook 'n baie wyer doel. Die rede is dat ons hier te make het met vakgebiede wat op besondere wyse in verband staan met meningsvorming, visie op die groter prentjie, asook die florering van mense in al hul lewensuitinge. By die APA word studente in hierdie belangrike velde spesifiek begelei om as Christene hulle lewe voor die aangesig van God krities te deurdink. Daarom is daar ook verpligte modules en studente het 'n keuse tussen Filosofie of Bybelkunde. Daar is ook 'n verpligte module genaamd Gereformeerde lewens- en wêreldbeskouing wat studente toerus om hulle studies welbewus as Christene te benader. Die doel is om studente in staat te stel om in elke vakgebied berekend kennis te neem van die grondslae en beste bydraes wat al gemaak is. Hulle word op hierdie wyse begelei om self die grondslae en bydraes effektief te integreer, en uiteindelik op die skouers van hulle wat ons voorgestaan het, skeppend te dink oor toepassings van die vakgebiede binne nuwe kontekste.

Evaluasie van die program:

Elke BA-module is geëvalueer om die kwaliteit en standaard van elke module te bepaal en te verseker dat dit van top gehalte is. Elke module was ekstern geëvalueer deur kenners in die bepaalde veld van reg oor Suid-Afrika, elke kenner is betrokke by 'n Hoër Onderwys instelling. Vervolgens is slegs enkele grepe uit die terugvoer van evalueerders oor verskeie modules.

Rekenaartegnologie:

Ek was beïndruk deur die detailvlak wat in beide die studiegidse aangebied word, dit vorm die volledige module wat in twee semesters aangebied word. Noukeurige aandag word gegee aan die besonderhede, aanbieding en formaat van die studiegids en studiebriefe.

Studente word verwys na ander studiemateriaal en hulpbronne wat geraadpleeg kan word om die vakinhoud te bemeester.

- Mnr. Albertus Buitendag

Geografie:

Ek beskou hierdie modules algeheel as hoë standaard.

- Dr. Hendrik Minnaar

Sielkunde:

Ek is beïndruk met die algemene kwaliteit en standaard van Sielkunde 1, sover my kennis strek vergelyk dit goed met die kwaliteit van Sielkunde 1 -modules by die meeste Suid -Afrikaanse en internasionale universiteite.

Die algehele kwaliteit van die tweede jaar is goed en in ooreenstemming met wat op hierdie vlak verwag word, wat studente 'n goeie, stewige grondslag bied om persoonlikheid en ontwikkeling te verstaan.

My algehele indruk is baie gunstig - albei modules is in ooreenstemming met internasionale standaarde op hierdie vlak en dra duidelik en oortuigend by tot die student se kennis en vaardighede wat nodig is om 'n BA-graad te behaal met sielkunde as hoofvak. Oor die algemeen, baie goed gedoen, 2 modules om op trots te wees.

- Prof. Karel Botha

Modules:

Die volgende modules word aangebied binne die BA-program:

- Afrikaans
- Bybelkunde
- Christelike Berading
- Duits
- Ekonomie
- Engels
- Filosofie
- Gereformeerde Lewens- en Wêreldbeskouing
- Geografie
- Geskiedenis
- Grieks

- Hebreeus
- Kommunikasiekunde
- Latyn
- Navorsingsmetodologie
- Navorsing- en Statistiese Metodes
- Navorsingprijek
- Politieke Wetenskap
- Rekenaargeletterdheid
- Rekenaartegnologie
- Sepedi
- Sielkunde
- Sosiologie
- Wiskunde

Studente opmerkings:

Studente word versoek om na elke semester opmerkings/aanbevelings of voorstelle te gee oor sy/haar ervaring oor die modules wat hy/sy geneem het in die bepaalde semester. Vervolgens slegs enkele opmerkings vanaf studente. Let wel as gevolg van die POPIA wet word die opmerkings anoniem gedoen en hanteer.

Christelike berading

Die vak het my nie net kennis gegee nie, maar ook 'n groot verskil in my geestelike lewe gemaak.

Engels

Thank you for a solid course.

Die dosent was altyd goed voorbereid en dra 'n magdom van kennis in haar veld. Puik kursus.

Geskiedenis

Geniet Geskiedenis baie! Puik vak en sal so ver moontlik gaan met Geskiedenis. Die dosent is uitstekend en gee met soveel passie klas. Geskiedenis is definitief 'n vak wat ek sal voorstel aan ander studente.

Grieks

Ek het die vak baie interessant gevind en baie geleer.

Rekenaartegnologie

Die dosent is fantasties in sy vakgebied.

Sosiologie

Die dosent is uitstekend! Altyd voorbereid met uitstekende vakkennis. Altyd bereid om te help.